

上饒縣志卷三

物產

居山以魚鼈爲禮居水以麋鹿爲禮君子謂之不知禮盖用其地之有而不遠求其地之無道固然矣今以物觀之境外之產此不必其乏境內之產數不必其多盖山附于地倚空爲錐天木性愛之羽毛之屬居焉水生于天蹠實而行地草性愛之鱗介之屬居焉上饒有山有水平衍與僻深之壤相間故物生之類皆具而勢不能多則百里之地限之也夫仁義之餘恩及庶類飛潛動植豈在王化之外哉史稱木附連理麥秀兩岐雉馴桑下蚌珠復還皆郡邑之德化有以致之然則物產之盛衰常異足以驗守土者政事之得失矣

上饒縣志

卷三

物產

一

寶屬

金 按舊志乾元鄉有包家場宋建炎三年不產罷採

銀 按舊志永樂鄉有桐木坑宋紹興八年不產罷採後復淳熙八年工費罷採

鐵 按舊志永樂鄉有地名鍊山舊嘗治鐵後屬永平監宋朝廢明鄧賊借治倡亂至今禁罷詳封禁要害中

水晶 按舊志靈山鄉稱產水晶其實白雲尖下石色名也明永樂間差官採取不得天順間中官葉達奏罷宋時地方官有貢水晶十事非土產也李時珍曰信州水晶濁性堅而脆刀刮不動以此言觀之不如倭國之瑩徹矣

穀屬

稻 不黏者爲梗稻黏者爲糯稻春秋說稻之爲言藉也稻太

陰精含水漸洳乃能化也有早稻晚稻救公饑三朝齊觀  
音秬大禾烏大禾早糯晚糯白糯紅糯重陽糯糯皆可釀  
酒

粟 爾雅曰粢稷春秋說粟助陽扶性粟之爲言續也有禾  
粟早粟觀音粟高粱粟狗尾粟玉蜀粟

麥 春秋說麥之爲言殖也說文麥金也金王而生火王而  
死顧元慶曰江南麥花夜發故發病江北麥花晝發故宜  
八有大麥小麥蕎麥

荳 博雅云大荳菽也小荳荅也黃荳有大小二種烏荳有  
大小二種綠荳可作粉豌豆一名戎荳李時珍曰種出西  
戎蚕荳王楨曰蚕時始熟故名虹荳李時珍曰紅色居多  
莢必雙生刀荳名挾劍豆扁荳李時珍曰扁荳氣腥香性  
溫平得乎中和脾之穀也白菹荳一名蛾眉荳荳角博雅  
云荳角謂之莢其葉謂之藿也

蔬屬

蔓菁 即蘿蔔苗一名諸葛菜武侯南征令軍人種蘿蔔即  
此

白菜 一名菘凌冬不凋有松之操故名  
同蒿 主安氣養脾胃

芥 一名水蘇李時珍曰芥性辛熱而散久食耗真元  
芥藍 芥屬也葉色如藍故名

菠薐 詢芻錄云南人呼菠菜北人呼赤根菜  
莧菜 一名蕘爾雅云蕘赤莧

馬齒莧 一名五行草氣味酸苦性寒

□菜 此菜惟以壅成故謂之薤南方之奇蔬也

苦蕒 一名天香菜

芫荽 一名胡荽香菜張騫使西域得之

蒼蓬 莖如釵股葉如蓬蒿

蘿蔔 一名菜菔根有紅白二色

胡蘿蔔 有黃赤二種

萵苣 一名千金菜清異錄云崑國使者來漢隋人求得菜種酬之甚厚因名千金菜

蕨 陸璣詩疏云山菜也根有白粉搗之可食

薺 一名護生草師曠謂歲欲豐甘草先生即此

薯蕷 一名山藥性甘溫有紅白二色

甘藷 一名番藷種自海外得之

上饒縣志

卷三

蔬屬

三

芋 一名土芝一名蹲鴟史記注云芋頭形似鴟烏之蹲爾

雅翼云芋之大者前漢謂之芋魁後漢謂之芋蕖有水旱二種

甘露子 一名土踊蘇頌云草根之似蚕者味如百合

芹 一名水英爾雅云芹楚葵注云今水中芹也有水芹旱芹

菜瓜 學圃餘蔬云瓜之不堪生噉而堪醬食者

稍瓜 一名越瓜蔓生有青白二色

黃瓜 一名胡瓜張騫使西域得種故名有青黃二色味清

涼可生啖

南瓜 蔓生熟時色黃如金

絲瓜 一名天羅絮

冬瓜 廣雅云一名地芝初生青綠經霜皮白如塗粉

葫蘆 匏也蔓生有甘苦二種

瓠 一名扁蒲夏月食至秋則盡

茄 大業拾遺錄云一名崑崙瓜有紫青白三種來自暹羅  
丹溪謂茄屬土甘而降火

香蕈 生桐柳枳等木上皆色味清涼

菌 本草名杜蕈一名地雞冬春無毒仰卷赤色上有毛下  
無紋者並毒

木耳 一名樹雞生朽木上乃濕熱餘氣所生其良毒隨木  
性

石耳 本草名靈芝靈山石壁有之

椒 一名花椒稟五行之精

上饒縣志

卷三

蔬屬

四

薑 禦濕之菜也生用發熱熟用和平

茴香 一名懷香

韭 說文云種而久者故名韭曲禮韭曰豐本醢作茹益人  
葱 一名和事草味辛主發散

蒜 一名葫孫緬唐韻云張騫使西域始得種

薤 一名藟子爾雅翼云夫物英華之美者莫如芝故薤曰  
菜芝味辛無毒其根芼酒醋浸皆宜故內則云切葱薤寔  
諸醢以柔之

菓屬

梅 一名蓀生純青酸甚熟黃甘酸欲藏必先稍乾之故周  
禮謂之乾蓀

杏 一名甜梅仁可入藥文獻通考杏多實不蟲來年秋禾

善

桃 性酸甘種類頗多禮記內則桃曰膽之謂有苦如膽者  
擇去

李 一名嘉慶子素問言李味酸屬肝東方果也種類不一  
梨 一名果宗類亦非一禮記內則柎梨曰攢之謂鑽治其  
蝨處也

櫻桃 綱目云其顆如瓔珠故謂之櫻禮記月令羞以含桃  
指此

楊梅 一名杔子味酸甘微熱

柰 一名蘋婆味酸微澀

枇杷 秋萌冬花春實夏熟備四時之氣味甘酸無毒

林檎 一名文林郎果元氏長慶集林檎花一名月臨花有

上饒縣志

卷三

菓屬

五

甜酸二種

山楂 即山查王璆云山裏紅果俗名酸棗正此小者可入  
藥

葡萄 苗作藤蔓而極長大有水晶牛乳諸名

棗 一名木蜜味甚甘甜王禎云南棗堅燥不如北棗肥美  
柿 赤實果也生者不堪食日乾者多食動風

棹柿 乃柿之小而卑者味甘可生啖搗碎浸之可染罽扇  
諸物

安石榴 種出安石國故名一名金罌吳越王錢鏐改名之  
有結實不結實二種

栗 宣州者勝又有生山中實小者名茅栗綱目云即爾雅  
所謂栲栗也

榧 一名玉榧授時通考云以信州者爲佳

銀杏 一名白果二月開花青白色二更開旋卸落多食昏

霍

橘 一名木奴又名蜜橘實如柚而小味甘微酸

柑 梅溪詩注云凡果非無甘者惟柑從甘言最甘也味甘

甜

橙 樹似橘有刺實似柚而香經霜始熟

香櫞 實大如小瓜味雖短而香芬大勝

長生果 樹有刺實始青熟黃雖久不落故名長生

金橘 元稹詩名小木奴味酸甘而芳香可愛

金豆 一名山金柑實如櫻桃生青熟黃皮甜可食

柚 爾雅謂之櫟廣雅謂之鐳柚大如孟香甚馥郁

上饒縣志

卷三

菓屬

六

枳 周禮考工記橘踰淮而北爲枳今醫家以皮厚而小者

爲枳實完大者爲枳殼

甜瓜 一名甘瓜其類其繁色之或青或綠或黃斑亦不一

西瓜 本草綱目云味甘淡寒無毒取仁可作果

蓮子 即藕實陸璣云蓮青皮裹白子爲的的中有青爲薏

蓮藕 大者如肱臂有孔有絲藕生應月月生一節閏月益

一節

甘蔗 叢生莖似竹一名蠟蔗可作糖一名紫蔗可生啖

菱 一名芰禮記疏云菱芰也屈到嗜芰即菱角也生水澤

中

芡 一名雞頭爾雅翼芡花向日菱花背日荷花日舒夜斂

芡花晝合宵炕周禮加籩之食菱芡棗脯

苧薺 爾雅即菟苳生淺水中其實色淡紫肉白  
慈姑 歲根生十二子如慈姑之乳衆子故名

百合 一名夜合白花四垂者爲百合紅花不四垂者爲山  
丹

貨屬

茶 鶴山集云茶之始其字爲荼荼之團者片者皆出于碾  
磴之末已損其真總不若芽茶也四鄉售者多園茶

紙 以竹筍久浸搗碎爲之西南北鄉皆有紙之名類亦不

蜜 蜂釀成者取而蒸之清者爲蜜其渣爲蠟

葛粉 搗葛根爲之其粉服之可以解醒

蕨粉 蕨根有白粉搗而淘之可作羹飢年賴以全活

上饒縣志

卷三

貨屬

七

柏油 一名鴟白収子取油甚爲民利子外白穰壓油造燭

名曰玉燭子中黑仁壓油燃燈名曰水油邑中無不植者

脂麻 漢書張騫使外國得胡麻即今油麻有黑白赤三色

苧麻 詩曰邱中有麻皮可績爲布者管子曰五沃之土樹

之五麻麻每歲可割三鎌首苧粗勁二苧稍柔三苧甚佳

堪爲細布

菜油 菜名萇臺子可爲油民資以日用者

木棉 南州異物志木棉吉貝木所生種來自南海其花如

鵝毛抽其緒紡之以作布邑人多植之又一種紫花其布

製衣頗樸雅

藕粉 以藕擣浸澄粉食之益年土人稱西濠藕粉以多種

于濠中也

粗蓆 草以小暑後吹起以脩織蓆軟滑而温

藍 說文染青草也有蓼藍菘藍馬藍皆可作靛

藥屬

五加 本草綱目云五葉交加者良故名五加服之可延年

枸杞 陸璣詩疏一名苦杞一名地骨服之輕身益氣

茱萸 有二種蘇恭謂開口者為食茱萸孟詵謂閉口者為

吳茱萸

桔梗 味辛苦有毒葉相對而生人取其牙煮而食之

綠青 生山之陰本草云即信州石碌是也

紫蘇 莖方有稜葉紫色

香薷 味辛微温又名石蘇

空青 本草云陰石也產上饒似鍾乳者佳真宗年間詔取

上饒縣志

卷三

藥屬

八

空青信民穴山而取極難得鄉人苦之

薄荷 楊升菴曰字宜從苛小草也今但知為苛刻之苛

砒石 本草云惟信州者佳故一名信石鍊者名砒霜

山梔子 有二種一可染繒帛一可入藥山谷詩話云染梔

子花六出雖香不濃郁山梔子花八出一株香一圃

車前子 即芣苢一名馬舄一名當道以多生道旁也

黃精 山中皆有之葉似薑苗根可食九蒸九晒服之可黑

鬚髮延年

茆質汗 本草云葉青而花白信人于七月中採以為藥

石菖蒲 本草云一寸九節者名菖蒲粗者名菖陽大葉長

穗多生水邊

金銀花 以花有黃白二色故名



麥門冬 本草云即沿堦草味甘平

菘菹 一名希仙嫩時土人採以為菹

藥艾 說文冰臺也陸佃云醫用艾炙一均謂之一壯

荊芥 細莖者佳

天花粉 即瓜蒌根

薏苡仁 花紅白色寔青白色食之明目輕身

南星 莖甚脆無枝葉頂結子雜五色根似芋可入藥專治

風痰

蒼耳 本草云味苦辛性微寒葉青莖白田野處處有之

芎藭 司馬彪曰芎藭似藁本淮南子云夫亂人者若芎藭之與藁本也

何首烏 味辛性溫久服黑鬚髮益血

上饒縣志

卷三

竹屬

九

竹屬

竹 說文冬生草也貫四時而不改柯易葉族類甚多 猫

竹筍可造紙 紫竹初生青久變為紫色 斑竹初生青

久漸成斑文 黃竹 鳳尾竹 桃枝竹皮日休詩云桃

枝竹覆翠嵐溪 慈姥竹即觀音竹太者曰江南小者曰

苦竹 實竹可為葦房

木屬

松 李時珍曰百木之長猶公故字從公千歲之松下有口  
苓 上有兔絲

柏 爾雅柏陰木也凡木皆向陽柏獨向陰指西故字從白

西方正色也

檜 柏葉松身今人名圓柏以別側柏也

杉 爾雅云披櫛有赤白二種赤杉實而多油白杉虛而乾燥

椿 屬貢作杗左傳作檣今俗名香椿易長而有壽  
白桐 一名華桐華而不實木可為琴

梧桐 爾雅云襯梧子可食遁甲書云桐知月正閏又立秋期至先墜一葉

岡桐 一名油桐實大而圓取子作油可入漆

楮 俗呼穀皮樹李時珍曰楮木作柠其皮可績為紵故也  
又可作紙

槐 淮南子曰槐之生也季春五日而兔目十日而鼠耳更旬而始規二旬而葉成

榆 月令二月榆莢成收乾以為旨蓄蓋冬可釀酒也詩曰

上饒縣志

卷三

木屬

十

我有旨蓄亦以御冬

柳 性柔脆陳藏器曰江東通名楊柳然楊枝短柳枝長一物二種也

女貞 即蠟樹李時珍曰凌冬青翠有貞守之操故以貞女狀之近時以放蠟虫故呼蠟樹又呼為冬青

楛 山海經云前山其木多楛以楛子似柞子可食也有甜苦二種皆可塘粉

楂 橡標之屬也味甚苦而多油鄉人多植之

椶櫚 葉大如輪幹正直四時不彫脫其樹衣可利民用  
皂莢 一種小者為猪牙皂一種長而肥厚多脂而粘

桑 葉可飼蚕者詩曰降觀于桑觀之以察其土宜也

楓 似白楊有脂而香謂之香楓霜時色丹又謂丹楓

樟 一名豫章四季不彫其木亦香大者數人環抱民資以  
用

花屬

牡丹 花有紅紫藍諸色名亦不一有觀音紅 風矯紅一  
名勝西施 一捻紅 紫中貴 茜金毬 疊羅紅

鷄冠 單莖無枝花類鷄冠故名有紅白黃絲數種

菊 顏色不一有疊金黃 麝香黃 千葉小金錢 單葉

小金錢 垂絲菊 鴛鴦菊 臙脂菊 佛頂菊 五月

菊 甘菊 野菊

海棠 皆單葉別有蓮花海棠重葉豐肥如小蓮花

芍藥 有深紅紫白諸色千葉重臺數種韓書曰芍藥離草  
也

上饒縣志

卷三

花屬

十一

山茶 開于雪時有單葉千葉之異別有深紅者名寶珠

鶯粟 即米囊花有千葉單葉之殊成畦種之五色爛然

萱草 一名紫萱又名忘憂草王子年拾遺記云吳中呼為

療結花

水仙 有單葉千葉之異黃庭堅詩云折送南園栗王花

薔薇 紅白雜色多生水邊別有金沙寶相金櫻子佛見笑  
皆其類也

梔子 重臺色白而香即佛書簷蔔花

紫薇 夏開至秋暮三月不盡故又名百日紅

芙蓉 有紅白二種生多水旁陸者為木芙蓉又有朝白暮  
紅者為醉芙蓉

鳳仙 又名金鳳有單臺重臺

桂花 有黃桂名金粟丹桂色紅近世以木樨為巖桂非是  
紅梅 類杏與江梅同開紅白相映初春絕景也

蠟梅 非梅類開與江梅同花半含名磬口梅其佳者為檀  
香梅

紫荊 俗呼木荊花紅色秀麗宜人

蘭 香草左傳蘭有國香太史黃氏曰一幹一花者蘭

蕙 似蘭而香太史黃氏曰一幹數花者蕙

繡毬 有黃白綠三色樹小者為陽綉毬花皆叢集成毬故  
名

茉莉 有單臺重臺之異花最清香

葵 有白葵黃葵蜀葵隨口光轉移而向之

草屬

上饒縣志

卷三

草屬

十二

芡 乾芡也周書峙乃芡芡又名生蘄似芹可食

萍 浮生水上隨風漂流性善滋生一夜七子世說楊花入  
水化為浮萍

蒿 類甚多有蓬蒿詩召南彼茁者蓬又青蒿詩小雅食野  
之蒿

蓼 辛草詩周頌予又集于蓼注蓼辛苦之菜故以為喻

茅 通志茅類甚多惟白茅擅名易大遇初爻藉用白茅

藻 草生水底有二種一葉似雞蘇一葉似蓬蒿皆可食

蘋 大萍本草大者曰蘋季春始生中者曰苻

蘆 陸佃云溫菘也亦名來服葦之未秀者曰蘆

羽屬

雞 種類不一俗以烏骨白毛者貴其牡司晨

鵝 家所畜者名舒鴈李巡曰野曰鴈家曰鶩

鴨 爾雅舒鳧鶩李巡曰野曰鳧家曰鴨

鳩 似山雀而小短尾青黑色多聲又鳩能鳩聚陽氣然天陰則屏其匹晴則呼之

鴉 純黑反哺者為烏小而腹下白不反哺者為鴉

鴛鴦 匹鳥止則相偶飛則為雙雄曰鴛雌曰鴦

鴟鴞 異物志鴟體有文色陸機云鴟大如斑鳩其鳴有禍

鷓鴣 陸佃云鷓鴣飛數隨月若正月一飛而止

鵲 喜鵲鳴則吉祥詩鄘風鵲之彊疆

鷺鷥 水鳥食魚埤雅云鳥似鴝而黑吐而生子土人藉以取魚

□ 鷺鳥莊子云鷺為鷺鷥為布穀久復為鷺此物變也

上饒縣志

卷三

羽屬

十三

白鷗 其色白間亦有黑者西京雜記越王獻高帝□鷗即此

鷹 鷲鳥一名征鳥陸佃云一歲黃鷹二歲鶡鷹三歲鷂鷹

燕 玄鳥一名鷦鷯巢于幕上春社至秋社歸

雉 野雞雄者有冠長尾身有文采曲禮雉曰䟽趾

翠鳥 爾雅名鴻天狗善食魚以其毛皆翠色故名

畫眉 眉白如畫故名聲巧善鬪好事者畜之

杜鵑 晝夜苦鳴其聲淒切俗謂歸去樂者疑其聲相似也  
畜屬

馬 乘畜生于午稟火氣而生火不能生木故有肝無膽膽木之精氣也木臟不足故食其肝者死

驢 似馬長耳聲洪大

騾 驢父馬母所生力勝于馬性最烈

牛 張揖曰沈牛水牛也能没于水中又黃牛不能没于水人皆恃以耕

羊 爾雅牡粉牝牂羊者火畜也土人畜者名草羊皮不能禦寒

豕 爾雅豕子猪猪今吳揚之間摠謂之猪

犬 爾雅犬生三獐二師一獬未成毫狗孔子曰狗叩也叩氣吠以守也

猫 陸佃云鼠善害苗猫能捕鼠故字欠苗鼻嘗冷惟夏至日暖盖陰類也

鱗屬

鯉 魚有神能飛魚之貴者脊中鱗凡三十六有赤白黃三

上饒縣志

卷三

鱗屬

十四

種

鯽 魚似鯉色黑而體促壯大而脊隆

鰱 縮項鰱魚說文似鱸而大

鱖 即青魚口濶而盆首食草又謂草魚爾雅翼曰鱖魚食草

鱣 乃魚之貴者京口錄曰巨首細鱣

鰕 泥鰕似鱧無鱗爾雅曰鰕鰕也尋習其泥厭其清水

鮎 一名鱖爾雅翼鱖魚偃額兩目上陳頭大尾小身滑無鱗

鰻 無鱗腹白而大青色有雄無雌以影漫鱧而生

鱮 似鱣而黑頭大陸佃云縉調餌芳庸魚食之鱮庸魚也

鱧 黃質黑文爾雅翼似蛇而無鱗體有涎沫

鰕 長鬚虫也善游好躍說文魴也廣韻大魴也

介屬

龜 甲蟲之長上穹象天下平法地廣肩無雄以蛇為雄

鼈 一名神守一名河伯從事爾雅翼鼈外生形圓脊穹四周有肩陸佃曰鼈思生

青螺 蚌屬周禮祭祀共麤贏蚘

蚌蛤 蚌亦蛤屬禮月令爵入大水化為蛤

蠃 雄曰蝗蝘雌曰博帶字從解者以隨潮解甲也

石屬

青石 出北鄉鄭家坊山中石性堅而色溫潤石工鑿取極難可充碑碣之用

綠石 出南鄉石溪山中石色微綠取為階級柱礎最耐久

上饒縣志

卷三

石屬

十五

紅石 出西鄉沿河皆有石性不甚堅亦不潤然資以植基址甚適民用